

# MOSA LESHÜ DA KERIETHO-U

## GENESIS

*Mha Chükeshü Dze*

- 1 Sietse nu Jihova-a teiko mu kijü chüshü. Mu kijüu  
2 we methuo mu puo rhijü ; siro kezei thuo kesouko mho  
3 zepfü ba : siro Jihova Ruopfüu dzüko mhoge meletuo.  
4 Siro Jihova-a, Zieliechie, sishü : sitse zie parta. Sitse  
5 Jihova-a kezieu viüchü ngulie : siro Jihova-a kezieu mu  
6 kezeiu bie kekreiwa. Siro Jihova kezieu pie Teiso üdi  
7 kielie, mu puo kezeiu pie Teizei üdi kielie. Siro thevatie  
8 mu khise bata: zha puo te.  
9 Süsie Jihova-a, Dzüko nunu tei puo bu baliechie,  
10 süu bu dzüko mu dzüko pfü kekriewaliechie, ishü. Sidi  
11 Jihova-a tei chüshü, mu süu bu puo mho rei puo khro rei  
12 dzü kebako chü kekreiwa : ru silie. Jihova-a süu pie  
13 Tei tholie. Siro thevatie mu khise bata: zha kenieu.  
14 Süsie Jihova-a, Tei khro dzüko bu vo thechü puo nu  
15 kengu batalie, di kijü keso bu parliechie, sishü : ru silie. Sitse  
16 Jihova kijü keso-u üse Kijü ülie ; mu dzü kengukelieko  
17 üse Dzükezhako ülie : tsiu Jihova-a süu viüchü ngulie.  
18 Siro Jihova-a sie, Kijüu bu nha, puo tsie kepfü gako, mu  
19 puo thuo puo si kepfü nhaşiboko puo tsie puo nu ketuoko  
20 bu kijü mhoge baliechie, sishü : ru silie. Siro kijüu-a nha,  
21 puo thuo puo tsie kepfü gako, siro puo thuo puo siu vüshü-  
22 yakezha puo tsie kepfü seiboko pelhoushü : sitse Jihova-a  
23 süu viüchü ngulie. Siro thevatie mu khise bata: zha seu.  
24 Siro Jihova-a, Teizei mu Teiso chü kekrieshüketuo  
25 la kezieko bu teigei zhaliechie, süko bu zasiko, puotei  
26 kekriekchüko, teisozhako mu teichieko chülie ; sishü.  
27 Siro uko bu kijüu va pezieshülieketuo la teigei nu kezieko  
28 chü zhalie, sishü : ru silie. Siro Jihova-a kezie kezhanie

- chüshü ; kezie kezha bu khinhie mho mu kezie kechüu  
 17 bu theva mho dinu di : puo themvüko rei chüshü. Siro  
 18 Jihova-a süko bu teigei zha di kijüu gei zieshüketuo chüshü,  
 teiso-u mu tiezeiu mho baketuo, tsiu kezieu nunu kezeiu  
 bie kekrewaketuo la : mu Jihova-a süu viüchü ngulie.  
 19 Siro thevatie mu khise bata: zha diau.  
 20 Siro Jihova-a sie, Dzüko bu rhei ketuo kemele khunu-  
 oko pelhoushülie, sidi kijü mhoge perako bu tei kemethuo gei  
 21 pruo tuolie, sishü Siro Jihova-a dzükezha nu khunuo kezha  
 chüshü, mu meleyakezha lhou ketuo khunuo kehouporei,  
 dzü nunu lhou keparko, u thuo u zho-u sese di, puo shü chü  
 kepfü pera kheko rei u thuo u zho-u sese di : siro Jihova-a  
 22 süu viüchü ngulie. Sitse Jihova-a japie uko tsü di pushü,  
 Nie si vülie mu kruoliechie, sidi dzükezha nu dzüko  
 23 ketsu chülie, mu kijü gei perako bu rei kruoliechie. Siro  
 thevatie mu khise bata: zha pengouu.  
 24 Siro Jihova-a sie. Kijü bu lhou ketuo khunuoko  
 u thuo u zho-u sesekechü khashüliechie, perinuo, tsiu  
 gou ketuoko, mu nhachüko u thuo u zho sesekechü parlie-  
 25 chie, sishü : ru silie. Siro Jihova-a u thuo u zho kese  
 nhachüko chüshü, mu perinuoko, mu kijü gei gou ketuo  
 kheko u thuo u rhi sesekechü chüshü : mu Jihova-a süu  
 viüchü ngulie.  
 26 Sitse Jihova-a pushü, Uko u rhi nu nu themia chülie  
 khe, u kemhie di : sidi süko bu dzükezha nu khuoko mho  
 balie, teigei perako, perinuoko, kijüu mu kijü gei gou ketuo  
 27 khunuo peteko mho baliechie. Sidi Jihova-a puo thuo puo rhi  
 nunu themia chüshü, Jihova rhi nunu puo-a themia chüshü ;  
 28 puo-a thepfü mu thenu chüshü. Siro Jihova-a japie süko  
 tsüshü : di süko üse, Nie si vülie, mu kruolie, di kijüu ketsu  
 chülie, di süu penyülie ; tsiu dzükezha nu khuoko mho,  
 teirako mho, mu kijüu gei mele ketuo kheko mho balie-  
 29 chie. Sidi Jihova-a sie, Harie, a-a puo tsie kepfü ga pe-  
 teko, kijüu ziegei ketuo khe, seibo kehouporei, seibo puo  
 30 si chü di puo tsie khashüyakezhako kha n tsüwate ; süsü pie  
 n cha chüliechie : siro kijüu gei nhachü kehouporei, teira  
 kehouporei, mu kijü mho gou ketuo kheko, puo kerhei-

-ro kenjiko, a ga kepejoko kehoupouerei n bu n cha chüketuo  
31 la kha n tsüshüte, sishü: ru silie. Siro Jihova-a puo mhatho  
peteko ngulie mu harie, süu vithor zo. Tsiu thevatie mu  
khise bata: zha sorouu.

**2** Siro teiko mu kijüu, mu süko chü kroko tseiliete. Siro  
Jihova-a zha thenie nhie puo mhatho peteko chü  
tseilie; sidi puo-a puo mhatho chükelie peteko nunu zha  
3 thenie nhie rüleilie. Siro Jihova-a zha thenieu gei jashü,  
sidi süu chü kemesalie; kekreilamoü Jihova sünhie puo  
mha pelhoukeshü mu chükeshü kheko nunu rüleikelie la.

*Adam mu Iv unie Iden zie nu keba*

4 Hakoha Jihova-a tei mu kijü chükeshü nhie tei mu  
5 kijü gei pelhoukeshü nuolhouko we. Tsie ketso we kijü  
gei lie nu nha puo rei ba mo luo, mu nha nu ga puo  
rei lhou sier moluo; Niepuu Jihova-a tei bu rü kijü gei  
6 tsur mo zo luochü la; mu kijüu chielieketuo themia puo  
7 rei tuo mo; derei kijü nunu mhoutsu puo sier, di  
7 kijüu zie pete pechieshü. Siro Niepuu Jihova rünyo nu  
nyophe üse themiau chülie, sidi kerhei thesü hapie puo  
nyhüki nu shüshü; sidi themia bu ruopfü kerhei puo  
8 chüte. Siro Niepuu Jihova-a Iden nunu niathutsatie nu  
tezie puo chüshü; sidi puo-a chükelie themiau khapie  
9 sünu shü. Sidi Niepuu Jihova-a seibo kehoupouerei  
umhiki zivichüko, mu thecha keviko pelhoupie kijü gei  
shü, kerheiprübo-u rei khapie tezieu metsuo nu shü, siro  
kevi kesuo sikelie seibo-u rei sa. Iden nunu tezieu vaketuo  
10 la kerü puo par; sünnunu kezata di cha dia chüta. Ke-  
11 rieu za Pishon: süu suna keba Havila kijüu pete houpfü  
12 ba; mu kijü süu suna vi: sünu delium mu oniks tsiepfü  
13 ba. Siro kerü kenieu za Gihon: Kush kijüu pete houpfü  
14 kebau süu thuo zo. Siro kerü useu Hidekel: süu we  
15 Asiria mhozütsa vokezhüu. Siro kerü udiaua Eufrazit.  
16 Sidi Niepuu Jihova-a themiau zeli di puo khapie Iden  
zie nu shüshü, puo bu süu theke mu se baketuo la. Siro

Niepuu Jihova-a themiau ki die hakemhiechü khashü :  
 Tezie nu sei kehoupuorei geinu n thuo chü kehou chü lievi  
 17 zo : derei kevi kesuo sikelie seibo-u geinu we n bu chü lielho :  
 no süu geinu chükeshü nhie no siata petuo zotie ru.  
 18 Siro Niepuu Jihova-a sie, Themiau bu puo rübei keba  
 19 vi molie ; a puo kekhuohi puo chüshütuo. Sidi Niepuu  
 Jihova-a nha nu nhachü peteko, siro teigei teirako pete  
 chüshü ; di themiau bu uko za tholienu di ze vor puo ki  
 shü ; mu themiau kehoupuorei pie pelhoukeshüko kiekeli-  
 20 tu se puo za chü phre tuota. Sidi themiau perinuoko za  
 tho phrelie, mu teigei perako pete, siro nha nu nhachüko  
 21 pete ; derei themiau la puo kekhuohi ngulie mo. Süsie  
 Niepuu Jihova-a keze kesou se puo bu themiau gei vor, ru  
 22 puo zeta ; süki puo-a puo tieru puo bielie, di puo chüu chü  
 kemawa : siro Niepuu Jihova-a themiau geinu biekelie tie-  
 ruu se thenumia puo chülie, di süpfü ze vor themiau ki shü.  
 23 Siru themiau sie, Haha a ruko donu a ru zo mu a chü donu  
 a chü ze : puo üse Thenupfü ütuo, Themiau geinu puo se pa-  
 24 rkelie la. Süla themia-a puo puo mu puo zuo khawa di  
 25 puo kimia kitsa votatuo : di sünie chü puo chütatuo. Siro  
 unie keninie methuo zo, themiau mu puo kimia, mu unie  
 menga mo zo.

*Medokephiu mu Themia krüketa*

**3** Hameseki tinyhüu Niepu Jihova-a nhachüko chü-  
 keshü peteko ki puo do vikuo. Di puo-a thenupfü üse,  
 2 Harie, Jihova-a nnie bu tezieu nu sei peteko geinu chü hie-  
 3 nushü ma ? Ru thenupfü-a tinyhüu üse, Tezieu nu seiboko  
 geinu puo si hie bu chü lievi : derei tezieu metsuo nu  
 keba seibo-u geinu, Jihova-a, Nnie bu chü lielho ; nnie  
 4 siaketa keprei la nnie bu süu bie rei lielho, sishülie. Sitse  
 5 tinyhüu thenupfü üse, Nnie kehouchürei siata lielho zo :  
 Jihova-a nnie süu chükelie nhie nnie mhi mhirho parlietuo,  
 6 sitse nnie rei kevi kesuo si di terhuomia mhietaketuo la si ba  
 zo, silie. Sitse thenupfü-a seibo-u geinu chü ro vituoü mu  
 puo mhiki zivi, siro mia bu mhasiliketuo la mengukezhü  
 seibo puotüechü rgulie tse süu si rielie di chülieta ; siro

- 7 puo khapie puo nupfu rei tsü di puo bu chülie. Sitse unie keninie mhi mhirho parta, mu unie methuo keba silie : sidi unie chiede nyü, terhü kemalie di pie unie nei chülie.
- 8 Sitse unie Jihova-a tezie nu tei kemeku nu rühou ketuo pfe silie ; sitse themiau mu puo kimia unie Niepuu Jihova mho-dzü nunu rüshü di tezieu seiboko donu thata.
- 9 Süsie Niepuu Jihova-a themiau kie di puo üse, No 10 kirapuo ba ga ? si. Sitse puo sie, A tezie nunu n pfe si zo, 11 mu a methuo keba la michiete ; sidi a rüshüte ; si. Siru 12 puo sie, Supuonie no methuo keba pie n ki pu ga ? No a n bu chü hienukeshü seiu *si* chülieta zo mo nyü ? Sitse themiau sie, No thenumiapfü puo bu a ze banu di kha a 13 tsükeshüpfü seiu *si* pie a tsü di a bu chülietelie ; ita. Süsie Niepu Jihova-a thenupfü üse, No kedipuo chüwata ga ? si. Sitse thenupfü-a, Tinyhüu a sewa di a bu chüliete ; 14 sita. Sitse Niepu Jihova-a tinyhüu use, No mha hau chü kewa la kiriko pete donu, mu nha nu nhachü peteko donu n bu rüse kepfüu chütuowe, siro n bu n rhei chie 15 n va pie rünyo zepfü di rüyietuo mu rünyo chü tuo tsotuo : siro a thenupfü nnie donu kengukemvü khashüwatuo, tsiu puo tsie mu u tsieko donu : puo n tsü pechütuo mu no puo phitsü 16 pechütuo. Puo thenupfü üse, A n kechü mu n nuoni chü pekrashütuo ; kezia nunu no n nuonuo penuotuo ; mu n mengu-a n nupfü gei batuo, mu puo bu n mhokezha 17 chütuo. Siro puo Adam üse, No n kimia pfe rünyü di, unhasiu, a die kha n tsü di, no süu chü lielho ikeshüu chü-kewa la : kijüu n la rüse pfüte ho ; n bu n rheichie mey- 18 humezhie di süu chüchütuotuo ; süu zohuko mu kikhahuko pelhoushütuo ; mu n bu lie nu gako chütuo ; n zie rükhru 19 nunu n bu niekhrüda chütuo we, no rünyo mevita kemo-chie ; süu nunu n chükelie la : no sü rünyo zè ru, n bu 20 rünyo mevilatatuo. Süsie themiau puo kimia za thopie 21 Iv chüwa ; puo-a lhou ketuo peteko krüpfü chü la. Siro Niepuu Jihova-a chüzhü pie Adam mu puo kimia unie boulie chüshü mu unie pfenei chüshüwa.
- 22 Siro Niepuu Jihova-a sie, Harie, themiau kevi kesuo si di uko mia puo mhiete ; mu puo puo dzie chapie kerheiprü

seibo-u si biepie chülie di rhei sei tuota rei si lielhote,  
23 süla Niepuu Jihova-a puo bu puo pie puo chükelie rünyo-u  
24 chie chü tonu di Iden zieu nunu puo ketsewa. Sidi puo-a  
themiau whuowa ; süsie puo kerhei seibo-u cha khawake-  
tuo la Cherubim mu zhiecha miü kemhie puo lutsa hatsa  
rüreikelie puo khapie Iden zieu niathutsa shüwa.